



© mythja/Stock/Thinkstock



## Mosala moko ya Nzambe ya lobiko na nzela ya Elimo

Eklezia oyo eyebana lokola Eklezia ya Klisto mosiantisiti, ezali moko ya **mangomba na kati ya boklisto** oyo ezwa Biblia mpe na mpenza mpenza mateya ya Yezu, lokola motema mpe molimo ya mosala ya boklisto.

*Science and Health with Key to the Scriptures* [Boyebi (Siansi) mpe Bokolongonu na fungola ya Makomi] ya Mary Baker Eddy eloba: « Yezu afandisaki eklezia ya ye mpe etinda ya Elimo ya ye, likolo ya likonzi moko : lobiko na nzela ya Klisto » Oyo nde **etinda** ya libela ya Eklezia ya Klisto mosiantisiti.


Mosala oyo na ndenge ya **kobikisa na nzela ya Klisto** epesa mbano ya lobiko ebele ya motuya mpo ya mikakatano ya nzoto mpe ya moto na eleko eleki mibu monkama, kutu ebele ya masapo wana ya lobiko ekoki kozwama na enteleneti. Na Siansi ya Klisto, Nzambe amononaka lokola oyo asimbaka ntango nyoso bokolongonu mpe bolamu. Nguya ya losambo evandi kaka te kati ya boyambi yango moko, kasi kati na bososoli na bozindo ya mibeko ya Nzambe oyo ezingi bato nyoso.

Bato nyoso bakoki kopono mpo na bango moko mpe mpo ya mabota ya bango, ndenge bakoki **kolengele bokolongonu** oyo ekoki kosepelisa mposa na bango. Nakosalelaka Siansi ya Klisto, ebele bazwi na bomoi na bango, bonsomi ya kotia pembeni ba nkisi ya minganga mpe ndenge ebele misusu ya kolengele nzoto.

## Tala Makambo Mosusu Koleka

**Tambwisa miso na mololo ya enteleneti:**  
**[ChristianScience.com/lingala](http://ChristianScience.com/lingala)**

- » Tanga to somba ba Biblia mpe ba buku ya *Science and Health with Key to the Scriptures* [Boyebi (Siansi) mpe Bokolongonu na fungola ya Makomi].
- » Sangana na baninga na Mayangani ya kokumisa Nzambe ya mokolo ya Lomongo to na bokutani ya mokolo ya misato yo moko to na nzela ya enteleneti.
- » Kende kotala Ndako mpo ya Botangi ya Siansi ya Klisto (*Christian Science*), to koto na bokutani mpo ya kopesa nsango ya eyamba ya Siansi ya Klisto.
- » Kutana na monganga ya Elimo, moteyi, to na lifulume ya Siansi ya Klisto.
- » Solola na nzela ya enteleneti na Mangomba ya Siansi ya Klisto na kati ya Inivelesite mpe na bakelasi mosusu ya likolo (CSO).
- » Solola na Eklezia-Mama, Eklezia ya yambo ya Klisto, Siantisiti.
- » Luka luka, tanga, mpe yoka ba nsango na minkanda, matatoli ya lobiko, mpe Mateya ya Biblia ya poso na poso.
- » Solola na Ndako ya Bobombi ba buku Mary Baker Eddy mpo ya milulu ya koyamba bato nyoso, mpe mpo ya boluki ya kokolisa mayele na kati ya ba Inivelesite.



## Siansi ya Klisto (*Christian Science*) ezali nini ?


Mary Baker Eddy, oyo akundolaki mpe abandisaki Siansi ya Klisto (*Christian Science*), alimbolaki yango boye : « mobeko ya Nzambe, mobeko ya malamu » (*Rudimental Divine Science*). Boyebi oyo ya bozindo ya Nzambe lokola Bolingo ezangi ndelo mpe bolamu oyo ebongwanaka te, epesaka nzela na losambo oyo ekoki kobikisa, kokangola mpe kobongisa moto nyoso.

Na mobu ya 1866 (nkoto yoko na nkama mwambe na ntuku motoba na motoba), ntango azokaki mpota oyo ekokaki komema ye na liwa, Mary Baker Eddy amipesaki mobimba na Nzambe na nzela ya losambo. Afungolaki Biblia ya ye na esika ya lisapo oyo Yezu abikisaki moto moko ka kana mbala moko mpenza mpe bokono bosilaki nye. Boyebi ya sika ya Nzambe, Elimo, lokola bozali solo se moko, etondisaki motema na ye, mpe abikaki na mbala moko. Kasi akomaki na mposa makasi ya koyeba ndenge nini mpe mpo na nini abikaki. Na mibu oyo elandaki, akobaki koluka mpe akutaki na kati ya Biblia, mibeko mibombama ya Nzambe oyo ekozala ntina ya mateya mpe ya mosala na ye ya Siansi ya Klisto.

Ut'a ntango wana, bato ebele bamona ete soko basosoli malamau koleka ndenge nini bazali na Nzambe na nzela ya Siansi oyo ya boklisto, bazongaka nzoto kolongonu mpe ezalela ya bango ebongwanaka. Libiki nyoso ebotisaka na motema mposa makasi ya kosalisa baninga mpo bayeba mpe bamono boni boni tolingama biso banso epai na Nzambe.

## Libandela ya Siansi ya Klisto (Christian Science)

Biblia, ut'a buku ya Ebandeli kin'o buku ya Koyeba ba sekele, ezali likonzi mpo ya boyekoli mateya ya Nzambe, mpe mpo ya kosala mosala na lolenge ya Siansi ya Klisto (*Christian Science*). Mingi mingi, mosala ya Nzambe ya Yezu, elakisaka ete kobikisama mpe kokoma moto ya sika, ekomelaka biso tango tomonaka ete lizali na biso ya solo ezali ya Elimo mpe esalemi na elilingi mpe na lolenge ya Nzambe. Ndakisa ebele ya likambo yango, ekoki komonana



kati na masapo mazwami na Biblia etali Abrahama, Yakobo, Mose, ba profeta, Yezu, mpe bayekoli ba yambo mpe ba oyo balandaki ye na nsima.

Mary Baker Eddy, na ndenge apesaki bomoi na ye mobimba mpo ya boluki na nzela ya Elimo, ememaki ye na oyo abengaki na nsima bokundoli. Amonaki ete mibeko ya Nzambe ezali bondzanga na nguya ya Elimo, oyo bazalaka ntango nyoso bisika binso, mpe o kati ya misala ya kobikisa, ya kokangola mpe ya kopambola mokili mobimba. Mpo na ye, ezalaki boklisto kati na misala oyo Yezu azalaki koteya.

Mpo na oyo etali bokoli ya mosala na ye ya kobikisa na nzela ya Klisto, Mary Baker Eddy akomaki ete abengamaki epai ya mokoni moko azalaki na maboko ya monganga moko ayebanaki mingi, oyo alobaki na mokoni wana ete akokufa na bokono ya mimpululu. « Ntango amonaki ete nazongisaki ye malamu na mbala moko na lisalisi ya ata eloko moko te ya matiele, atunaki ngai na motema dukudu nyoso, soki nazalaki na makomi oyo ezalaki kolimbola lolenge ya ngai ya kobikisa. ... asengaki na ngai na lombangu na koma buku moko oyo esengeli kolimbola na mokili mobimba lolenge na ngai ya kobikisa na nzela ya metafiziki. » (*The First Church of Christ, Scientist, and Miscellany*)

Na ntango wana asilaki kobanda kokoma mwa makomi oyo ebimisaki buku ya ye ya yambo, ***Science and Health with Key to the Scriptures*** [Boyebi (Siansi) mpe Bokolongonu na fungola ya Makomi], oyo ezali kopesa ndimbola nyoso ya Siansi ya Klisto mpe ya mosala na yango ya mbongwana mpe ya bobikisi na nzela ya Elimo.

## Eklezia ya Klisto mosiantisiti mpe misala ya yango

Biblia elongo na *Science and Health* [Boyebi (Siansi) mpe Bokolongonu], esalaka mosala ya **Moteyi** ya mokili mobimba mpo na Eklezia na bamboka nyoso, na kopesaka ntango nyoso mitindo mpe mayele ya Nzambe na mpe lokola masakoli na matangi ntango ya mayangani ya kosambela Nzambe. Misala mpe mayangani ya Eklezia ekambemi na bai-Eklezia.

Mary Baker Eddy abandisaki Eklezia ya Klisto mosiantisiti, na mobu ya 1879 (nkoto yoko nkama mwambe na ntunku nsambo na libwa). Ezala **Eklezia-Mama** oyo ezwami na Boston, o ekolo ya Amelika, ezala **bitape ya Eklezia ya Klisto mosiantisiti** na bamboka nyoso, babongisa mikolo nyoso ya lomingo, mayangani mpo ya kosambela Nzambe, **Kelasi ya Lomingo**, mayangani ya matatoli o kati kati ya poso, **Ndako ya Botangi** mpo ya moto nyoso, mpe **bopesi nsango ya Eyamba**. Bakelasi ya Lomingo mpo ya bayekoli kino mvula ntuku mibale, ezali bakelasi mpo ya kokutanisa makanisi etali Biblia mpe ndenge nini okoki kosalela mateya wana na bomoi ya biso ya lelo. Mayangani ya mokolo ya misato ezali mpo ya matatoli ya lobiko oyo ekabolami na bato oyo bazali wana. Ndako ya botangi etandaka babuku mpe ba magazini ya Siansi ya Klisto, Biblia mpe babuku mosusu esalisaka mpo ya koyeba Biblia, mpe makambo mosusu koleka. Boyei bolamu na moto nyoso oyo a koya kosalela bisengeli wana nyoso.



**Minganga ya Siansi ya Klisto mpe balifulume ya Siansi ya Klisto** bazali wana mpo ya kobakisa lisungi makasi na baye bazali kosambela mpo ya lobiko. Minganga ya Siansi ya Klisto bazali kopesa losambo oyo elongobani na bokono, mpe balifulume ya Siansi ya Klisto balengeleke, basungaka na makambo ya mike mike, basalelaka nkisi mpe mino te.

Eklezia ya Klisto mosiantisiti epesaka bobokoli na nzela ya Elimo mpo ya bilenge mpe bakolo na lisalisi ya biteyelo ya Kelasi ya Lomingo, Mateya ya poso na poso ya Biblia ezwami na ***Christian Science Quarterly*** [Buku ya mateya na sanza misato], mpe kelasi ya poso mibale oyo etangisaka bobikisi bokono

na nzela ya Elimo, na molakisi ya Siansi ya Klisto oyo azwa ndingisa ya kotangisa mpe na nsima alandaka bobokoli ya bayekoli na bokutani ya mvula na mvula.

Ba magazini ya poso na poso mpe ya sanza na sanza, ***The Herald of Christian Science*** (*Le Héraut de la Science Chrétienne* [Mosakoli ya Siansi ya Klisto]) na ba nkota ndenge na ndenge lokola (Djamani, Putulugesi, Lifalanse, Espanyola mpe bongo na bongo), ***The Christian Science Sentinel*** [Sinzili ya Siansi ya Klisto], mpe ***The Christian Science Journal*** [Zolonale ya Siansi ya Klisto] na Angele, nyoso wana etalisaka na nzela ya Makomi mpe matatoli ya lobiko oyo bosolo na yango endimami, ndenge basalelaka Siansi ya Klisto mpe bozwi na yango ekomisaka moto ya sika mpe epesaka lobiko.



***The Christian Science Monitor*** [Monitele ya Siansi ya Klisto] ebandisamaki na Mary Baker Eddy na mobu ya 1908 (nkoto moko nkama libwa na mwambe), esangisaka ba nsango ya mokili mobimba na ndenge moko etonda bwanya, ya bomoto, mpe ya kongalisa makambo te, mpe na bosangisi wana, mayele etiyami na makambo ya bokei liboso mpe ya bofulukisi ekoya nsima, lokola mpe etiyami na makambo etali bomoni mpasi mpe bozangi boyokani na mokili. Zolonale yango, esalemaki mpo ya « kofinga moto moko te, kasi mpo ya kobenisa bato nyoso » (*Miscellany*). ***The Monitor*** ezwa mpe mbano babengi Pulitzer Prize mbala ebele, kasi mpe ezali na esika na yango ya enteleneti (na mololo ya enteleneti CSMonitor.com), magazini ya mposo na mposo, mpe zolonale ya bansango na bokuse ya mokolo na mokolo, na nzela ya lotiliki (Daily News Briefing).

